

## 17.25 CUNTRASTS SIN SRF 1

---

### Auter è auter



Ils «Cuntrasts» èn ids questa giada a la tschertga dad «autras» istorgias. Per exempel en la Val dal Rain. Là datti in'otra tendenza pertutgant il svilup da la populaziun. Savens vegni gea rapportà da vischnancas grischunas che perdan populaziun, posta e prestige. Ma Malans, Fläsch e Maiavilla creschan ad in crescher, sco che nossa redactura Isabelle Jaeger ha pudì observar. Bertilla Giossi ha purtretà ina famiglia da Castrisch, nua che la mamma va a la lavur ed il bab lavura sco chasarin. Casper Nicca ha accompagnà durant in di Marina Simeon, ina mattatscha da sis onns da Lantsch. Ella è impedida d'udida, è damai outra, però ella frequenta tuttina la scoletta regulara dal lieu. Ruedi Bruderer ha filmà lung l'autostrada A13 en Mesolcina. Là sa dera in auter mustgin, il mustgin-tigher – in mustgin che pudess daventar purtader da malsognas tropicas.